

171.

Na osnovu člana 34. stav 2. Zakona o komunalnim djelatnostima ("Službeni glasnik Unsko-sanskog kantona", br. 4/11, 11/11, 6/12, 13/12 i 14/17), člana 9. Odluke o načinu formiranja cijena komunalnih proizvoda i usluga individualne komunalne potrošnje ("Službeni glasnik Općine Bihać", broj: 8/13), Metodologije za određivanje cijene vodosnabdijevanja, odvodnje i prečišćavanja otpadnih voda („Službeni glasnik Grada Bihaća” broj: 10/20) i člana 132. tačka b) Poslovnika Gradskog vijeća ("Službeni glasnik Grada Bihaća" broj: 03/16, 4/20), Gradsko vijeće Bihać na 37. sjednici održanoj dana 12.09. 2023. godine, donijelo je:

ZAKLJUČAK

O DAVANJU SAGLASNOSTI NA CIJENE INDIVIDUALNE KOMUNALNE POTROŠNJE SNABDIJEVANJA PITKOM VODOM I ODVODNJE I PREČIŠĆAVANJA OTPADNIH VODA

Član 1.

(1) Daje se saglasnost na cijene individualne komunalne potrošnje snabdijevanja pitkom vodom i odvodnje i prečišćavanja otpadnih voda utvrđene Odlukom Skupštine JP "Vodovod" d.o.o. Bihać, broj: 01-1768-2/23 od 06.07.2023. godine, navedene u Aneksima I do VII koji čine sastavni dio ovog Zaključka.

(2) Aneks IV – naknada za sanaciju i rekonstrukciju izgrađene kanalizacione infrastrukture – fiksni dio cijene neće se primjenjivati do donošenja novog cjenovnika.

(3) Aneks VI – naknada za sanaciju i rekonstrukciju postrojenja za prečišćavanje otpadnih voda – fiksni dio cijene stupa na snagu danom donošenja Odluke o povjeravanju na upravljanje i održavanje stalnih sredstava postrojenja za prečišćavanje otpadnih voda JP „Vodovod“ d.o.o. Bihać.

(4) Cijena za fizička i pravna lica je jedinstvena od 01.01.2025. godine po tarifi za fizička lica.

(5) U cijene navedene u Aneksima iz stava (1) ovog člana nije uračunat porez na dodanu vrijednost (PDV).

(6) U cijene u Aneksima iz stava (1) ovog člana nije uključeno zbrinjavanje otpadnog mulja.

Član 2.

(1) Ukupna cijena vodnih usluga vodosnabdijevanja, odvodnje i prečišćavanja otpadnih voda sadrži fiksni i varijabilni dio, gdje se fiksni dio cijene odnosi na troškove održavanja infrastrukture i ulaganja u infrastrukturu i ne zavisi od količine potrošene vode, dok varijabilni dio cijene zavisi od količine potrošene vode po m³.

(2) Cijena usluge vodosnabdijevanja se sastoji od:

a) Fiksnog dijela cijene kojeg čine:

1) Naknada za zamjenu vodomjera,

2) Naknada za sanaciju i rekonstrukciju izgrađene vodovodne infrastrukture,

b) Varijabilnog dijela cijene koji zavisi od potrošnje.

(3) Cijena usluge odvodnje otpadnih voda se sastoji od:

a) Fiksnog dijela cijene koji se odnosi na naknadu za sanaciju i rekonstrukciju izgrađene kanalizacione infrastrukture;

b) Varijabilnog dijela cijene koji zavisi od potrošnje.

(4) Cijena usluge prečišćavanja otpadnih voda se sastoji od:

a) Fiksnog dijela cijene koji se odnosi na naknadu za sanaciju i rekonstrukciju postrojenja za prečišćavanje otpadnih voda;

b) Varijabilnog dijela cijene koji zavisi od potrošnje.

Član 3.

(1) Zadužuje se JP „Vodovod“ d.o.o. Bihać da do 30.11.2023. godine Gradu Bihaću dostavi prijedlog revidiranog cjenovnika za period od 2024. godine.

(2) Ukoliko se ne donese Zaključak za tarifni sistem i cijene individualne komunalne potrošnje snabdijevanja pitkom vodom i odvodnje i prečišćavanja otpadnih voda za naredni period primjenjivat će se tarifni sistem koji je važio za 2023. godinu.

Član 4.

Stupanjem na snagu ovog Zaključka prestaje da važi Zaključak o davanju saglasnosti na tarifni sistem i cijene individualne komunalne potrošnje snabdijevanja vodom za piće i odvodnje otpadnih voda („Službeni glasnik Općine Bihać“, broj: 12/11).

Član 5.

Ovaj Zaključak stupa na snagu osmog dana od dana objavljivanja u „Službenom glasniku Grada Bihaća“.

Gradsko vijeće
Broj: 01-11-163
Bihać, 12.09.2023. godine

Predsjedavajući
Gradskog vijeća,
Zulfikar Handukić, s.r.

ANEKS I - NAKNADA ZA ZAMJENU VODOMJERA – FIKSNI DIO CIJENE

NAKNADA ZA ZAMJENU VODOMJERA – FIKSNI DIO CIJENE		
Mjesečno	Postojeća cijena	Nova cijena
Naknada za zamjenu vodomjera – fizička lica	1,50	1,38
Naknada za zamjenu vodomjera do 20 mm – pravna lica	2,00	1,38
Naknada za zamjenu vodomjera od 20 mm do 50 mm – pravna lica	2,00	2,00
Naknada za zamjenu vodomjera od 50 mm do 80 mm – pravna lica	10,00	10,00
Naknada za zamjenu vodomjera preko 80 mm (mjesečno) – pravna lica	20,00	20,00

ANEKS II - NAKNADA ZA SANACIJU I REKONSTRUKCIJU IZGRAĐENE VODOVODNE INFRASTRUKTURE – FIKSNI DIO CIJENE

NAKNADA ZA SANACIJU I REKONSTRUKCIJU IZGRAĐENE VODOVODNE INFRASTRUKTURE – FIKSNI DIO CIJENE		
Mjesečno	Postojeća cijena	Nova cijena
Sanacija i rekonstrukcija izgrađene vodovodne mreže – fizička lica i pravna lica	0,00	2,12

ANEKS III - VODOSNABDIJEVANJE - VARIJABILNI DIO CIJENE

VODOSNABDIJEVANJE - VARIJABILNI DIO CIJENE		
m ³	Postojeća cijena	Nova cijena
Varijabilna dio cijene usluge - fizička lica	0,94	1,20
Varijabilni dio cijene usluge - pravna lica	1,70	1,70

**ANEKS IV - NAKNADA ZA SANACIJU I REKONSTRUKCIJU IZGRAĐENE
KANALIZACIONE INFRASTRUKTURE – FIKSNI DIO CIJENE**

NAKNADA ZA SANACIJU I REKONSTRUKCIJU IZGRAĐENE KANALIZACIONE INFRASTRUKTURE – FIKSNI DIO CIJENE		
Mjesečno	Postojeća cijena	Nova cijena
Sanacija i rekonstrukcija izgrađene kanalizacione mreže- fizička lica i pravna lica	0,00	0,91

**ANEKS V - NAKNADA ODVODNJA OTPADNIH VODA – VARIJABILNI DIO
CIJENE**

NAKNADA ODVODNJA OTPADNIH VODA – VARIJABILNI DIO CIJENE		
m ³	Postojeća cijena	Nova cijena
Varijabilna dio cijene usluge - fizička lica	0,25	0,25
Varijabilni dio cijene usluge - pravna lica	0,38	0,38

**ANEKS VI - NAKNADA ZA SANACIJU I REKONSTRUKCIJU PPOV – FIKSNI
DIO CIJENE**

NAKNADA ZA SANACIJU I REKONSTRUKCIJU PPOV – FIKSNI DIO CIJENE		
Mjesečno	Postojeća cijena	Nova cijena
Sanacija i rekonstrukcija PPOV – fizička lica i pravna lica	0,00	3,35

**ANEKS VII - NAKNADA PREČIŠĆAVANJE OTPADNIH VODA – VARIJABILNI
DIO CIJENE**

NAKNADA PREČIŠĆAVANJE OTPADNIH VODA – VARIJABILNI DIO CIJENE		
m ³	Postojeća cijena	Nova cijena
Varijabilna dio cijene usluge - fizička lica i pravna lica	0,00	0,40